

IV. OPOSICIÓN E CONCURSOS**UNIVERSIDADE DE SANTIAGO DE COMPOSTELA**

RESOLUCIÓN do 29 de marzo de 2022 pola que se modifica a Resolución do 15 de marzo de 2022 pola que se convocan probas selectivas para cubrir trinta e sete prazas da categoría profesional de técnico/a de servizos xerais, grupo III, pola quenda de promoción interna, vacantes no cadro de persoal laboral.

Mediante a Resolución do 15 de marzo de 2022 convocáronse probas selectivas para o acceso á categoría de técnico/a de servizos xerais, pola quenda de promoción interna. Esta convocatoria xorde da reforma da área de conserxerías, derivada da proposta de Plan para o persoal de administración e servizos 2019-2022, e implicou a unificación das anteriores categorías de auxiliar técnico/a informático e oficial de servizos nunha nova de auxiliar técnico/a de servizos, no grupo IV.1, así como a creación da nova categoría de técnico/a de servizos xerais, grupo III, obxecto da convocatoria.

Outra consecuencia da modificación da área foi a apertura a varios grupos dos postos de nova creación, tanto os postos base coma os postos singularizados, polo que as persoas que superen o procedemento selectivo poden continuar ocupando con carácter definitivo o mesmo posto que ocupaban na antiga categoría; por iso, procede modificar a base 9 da convocatoria, que queda redactada como segue:

9.1. A adxudicación ás persoas que superen o proceso selectivo das prazas obxecto de promoción comporta a amortización das prazas da categoría de orixe.

Esta corrección implica abrir un novo prazo de presentación de solicitudes de 20 días naturais, contados a partir do día seguinte ao da publicación do anuncio desta resolución no *Diario Oficial de Galicia*, de acordo co establecido na base terceira da convocatoria.

Os aspirantes que xa presentasen unha solicitude de participación non deben volver presentala.

Contra esta resolución, que esgota a vía administrativa, poderase interpor recurso contencioso-administrativo, ante o Xulgado do Contencioso-Administrativo de Santiago de Compostela, no prazo de dous meses contados desde o día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

CVE-DOG: c00ydlh8-umk8-i2y7-fea4-bbput2xnx19



Non obstante, as persoas interesadas poderán interpor recurso potestativo de reposición, no prazo dun mes, perante o órgano que a ditou. Neste caso, non se poderá interpor o dito recurso contencioso-administrativo mentres non se dite resolución expresa ou presunta do recurso administrativo de reposición, ao abeiro do artigo 123 e seguintes da Lei 39/2015, do 1 de outubro, do procedemento administrativo común das administracións públicas.

Santiago de Compostela, 29 de marzo de 2022

O reitor da Universidade de Santiago de Compostela
P.D. (Resolución do 28.3.2022)
Ernesto Xosé González Seoane
Vicerreitor de Profesorado

CVE-DOG: c00ydlh8-umk8-i2y7-fea4-bbbput2xnxl9

